



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
ՈՐՈՇՈՒՄ**

13 սեպտեմբերի 2017 թվականի N°401Ա  
ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ  
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2014 ԹՎԱԿԱՆԻ ԱՊՐԻԼԻ 16-Ի N°88Ա ՈՐՈՇՄԱՆ  
ՄԵԶ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 30-րդ հոդվածի 1-ին կետը, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասը, Հայաստանի Հանրապետության հանրային ծառայությունները կարգավորող հանձնաժողովի 2013 թվականի նոյեմբերի 1-ի N°374Ն որոշմամբ հաստատված՝ Էներգետիկայի բնագավառում գործունեության լիցենզավորման կարգը և հաշվի առնելով «ԱՄԲԵՐԴ ՀԷԿ» սահմանափակ պատասխանատվությամբ ընկերության 2017 թվականի մայիսի 23-ի, հուլիսի 31-ի օգոստոսի 31-ի գրությունները՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության հանրային ծառայությունները կարգավորող հանձնաժողովի 2014 թվականի ապրիլի 16-ի «ԱՄԲԵՐԴ ՀԷԿ» սահմանափակ պատասխանատվությամբ ընկերությանը «Ամբերդ ՀԷԿ-3» փոքր հիդրոէլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» N°88Ա՝

1) որոշման մեջ «մինչև 2017 թվականի դեկտեմբերի 20-ը» բառերը փոխարինել «մինչև 2017 թվականի սեպտեմբերի 13-ը» բառերով.

2) որոշման 2-րդ կետով հաստատված՝ «ԱՄԲԵՐԴ ՀԷԿ» սահմանափակ պատասխանատվությամբ ընկերության «Ամբերդ ՀԷԿ-3» փոքր հիդրոէլեկտրակայանում էլեկտրական էներգիայի (հզորության) արտադրության N°0538 լիցենզիայի պայմանների 6-րդ և 9-րդ կետը շարադրել հետևյալ խմբագրությամբ.

«6. Լիցենզավորված անձին իրավունք է տրվում և պարտավորեցվում է Լիցենզիայով սահմանված ժամկետում կառուցել 9830 կՎտ հաշվարկային հզորությամբ «Ամբերդ ՀԷԿ-3» փոքր հիդրոէլեկտրակայանը, արտադրել էլեկտրական էներգիա (հզորություն) ու այն վաճառել Շուկայի կանոններով»,

«9. «Ամբերդ ՀԷԿ-3» փոքր հիդրոէլեկտրակայանի փաստացի տեղակայված հզորությունը 10297.2 կՎտ է, իսկ էլեկտրական էներգիայի արտադրության գործունեությունն իրականացվում է հետևյալ սարքավորումներով՝

- 1) հիդրոտուրբին N°1՝ Ֆրենսիս տիպի, 2868 կՎտ, 2012թ.,
- 2) գեներատոր N°1՝ SEH 710 SA, 2723.4 կՎտ, 2012թ.,
- 3) հիդրոտուրբին N°2՝ Ֆրենսիս տիպի, 2868 կՎտ, 2012թ.,
- 4) գեներատոր N°2՝ SEH 710 SA, 2723.4 կՎտ, 2012թ.,
- 5) հիդրոտուրբին N°3՝ Ֆրենսիս տիպի, 2868 կՎտ, 2012թ.,
- 6) գեներատոր N°3՝ SEH 710 SA, 2723.4 կՎտ, 2012թ.,
- 7) հիդրոտուրբին N°4՝ Պելտոն տիպի, 2127 կՎտ, 2013թ.,
- 8) գեներատոր N°4՝ SEH 710 S8, 2274.3 կՎտ, 2013թ.։»:

2. «Արդշինբանկ» փակ բաժնետիրական ընկերությանն ազատել 2015 թվականի հունիսի 16-ի N°652-6027 գրությամբ ներկայացված, այնուհետև 2016 թվականի հունիսի 3-ի N°652-4622 և 2017 թվականի ապրիլի 6-ի N°652-3419 գրություններով երկարաձգված N°ԲԵՆ15/77-01 երաշխիքի համաձայն Հայաստանի Հանրապետության հանրային ծառայությունները կարգավորող հանձնաժողովի առջև ստանձնած քսանչորս միլիոն հինգ հարյուր յոթանասունհինգ հազար դրամ երաշխիքային պարտավորությունից:

3. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ՍԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՂԱԿԱՆ**



**Մ. ՍՈՂՈՄՈՆՅԱՆ**

ք. Երևան  
13 սեպտեմբերի 2017թ.  
Ժամը 16<sup>00</sup>